

## CAP. LXII.

Ascitæ cur sic dicti. Erroris autem eorum caput  
ecquod fuerit.



*Ascitæ ab utre sic appellati sunt. ἄσκιος  
enim Græcè, Latine uter dicitur, quem  
gestare perhibentur inflatum & oper-  
tum circumire bacchantes, tanquam  
ipsi sint Evangelici utres noui vino no-  
uo repleti.*

1 *Ascitæ ab utre.)* Hi verò etiam Vtrarii vel  
Vtricularii dici possunt, quòd ut à Græco ἄσκιος Ἀ-  
σκίτης, ita à Latino Uter, Utrarius certè formatur.  
Quæ fuerit autem hæc hominum secta, ubi grassa-  
ta, quandiu perstiterit, & quo primùm authore cœ-  
perit, legisse me non memini. Ac ne apud Isidorum  
quidem huius facta mentio est, tam leuiter deiecta  
& explosa nimirum fuit. Fortasse ad pompæ eius,  
quæ in sacris Dionysii Bacchi Athenis fiebat, & in  
qua σκαφοφόροι & ἀσκιφόροι erāt, quemadmodum Sui-  
das scribit, similitudinem istos excitauit Satan, qui  
noua & prodigiosa planè ratione se Dei ministros  
& Euangelii præcones profiterentur, qui digni e-  
rant, ad Probi imperatoris Romani exemplum, no-  
mine utris in aëre pendere potius, quàm viuere.  
Hi verò sunt dissimillimi ab iis, quos Ascodruper-  
tas Theodoretus appellat, de quibus diximus an-  
tea. Enthouasiastæ tamen & prorsus fanatici homi-  
nes etiam isti fuisse mihi videntur, & in loci illius  
qui est apud Matthæum explicatione falluntur &  
hallucinantur.

2 *Quem gestare.)* In impressis sic legitur, *Quæ*  
*perhibentur, hiulca prorsus oratione. Itaque vo-*  
*cabulum*